

中国文献珍本丛书

晚清珍稀期刊续编
(十四)

全国图书馆文献缩微复制中心

湘学报类编

湘類
學報
編

第一冊至四十

蔡鍾濬題

光緒戊戌
夏湘曾學
使署編印

商學第一

古者取人國以兵至周而一變其局齊太公以表海益機勸士
極巧通魚鹽之利冠帶衣履天下而海岱衿衽往朝蓋已變爲
商戰矣其後中衰甯子猶修其術以爲輕重此機亦成九合一
匡之烈由是言之商之取人國於不覺也甚於後世善夫白圭
言曰吾治生產猶伊尹呂尙之謀孫吳用典商賈行法也故計
然治吳不韋伯秦皆以商人兼并之謀爲懷拓國家之本沿及
流風至於桑孔尙以商學而取濟軍國後之爲國者才能不及
中主而動喜爲抑塞言利之說夫利而可塞抑之誠是也特恐
不出於一孔者必決爲數途不聚於中國者必輸之四裔也昔
者烏倮能得戎王之財而秦皇封之非封其富也誠以戎之財
入於中國則戎之命脈操縱於中國之手而不敢動耳故其功

無異克敵而戰勝於無形。反夫是者可以觀矣。近世泰西盛行
 商學。凡其商人所至之地。即為國權所及之地。故英人兼並
 大於近十二年內。增拓至二百六十萬英里。而國家無毫髮之
 費。其餘如阿非利加。皆為諸強國按圖剖分。以施行政事。猶向
 暗以自主名。其君若相。猶不知其國已入人手者。比比然也。其
 能如阿比西尼亞脫關寺發耳。力抗強敵者。蓋亦少矣。阿比西尼亞
 阿非利加北境。乃意大利國剖分所得。意人以兵占之。為阿
 所敗。意和辭職。遣使行成。然未盡撤意兵。脫關寺發耳乃美人
 釋放黑奴。劃區以成民主之國。英聖地公司侵之。為所敗。中國自通商以來。入口貨多。而出
 口貨常少。司農告匱。嘗徇諸國所請。多增口岸。以暢消洋貨。而
 重增軍需所入。然其實增之於貨價。而出之以海防軍火器械。
 無不仰給外洋。名為有三千萬兩之稅。以抵制漏卮。實則除民
 間貿易補出式千餘萬之外。國家仍補三千餘萬兩。敵體吸肌。

使人不覺。一有小故動以兵船相恫懾必遂其欲而後止。然則中國非講商務無以爲自強之基。非定商約無以爲挽回利權之計。中國商約有來無往。華商往來每附英德商船。以行光緒初年招商局曾派和上稅加重。數倍所開而回。曾蒙候在英亦曾設立公司。以自運土貨。乃伊國銀行不肯借貸。銀幣不能周轉。兼爲重征。所由亦遂罷設。獨香港新加坡乃無而論者乃欲爲閉關絕市之謀。不稅口岸。華商乃得往來。自則亦謬乎。今綜計通商以來利害。上比周秦迄於近代。都爲一篇名曰理財學。客難問答。其宗旨所在。專在流通財貨。而國家中握其樞。則亦平準之說云耳。

問商者賤丈夫之業。士人羞稱三代盛時。天子食租衣稅而已。什一之外。未嘗有取於民。故當時無甚富甚貧。而國家甚賴有土。及其既衰。天子征伐四夷。司農告匱。於是海內始騷然。置均輸事鹽鐵矣。而聖王猶或非之。今若行商法。則是驅南

畝而盡爲市人民棄其土而君失其民則國非其國也而欲
以之兼并行仁義其可得乎曰利者民之命也利之所聚民
必歸之故聖王非能使民也利之而已井田之於封建亦因
其勢之自然自泉幣盛行而通施之權不在粟帛而在貨布
然則井田不廢其勢有所不行何者利有所并而民爲之用
也故人君分并財調高下以收之使財幣行如流水而貧富
自均無所謂限田無所謂均賦也蓋已取井田之法而隱用
之矣然豪俠者流或販脂賣漿以富至千萬細民仰食者幾
於縣官則天子之民仍爲所收也然尺符一下徵租調役無
不應命者則上之持其柄也近世泰西無國不商無商不食
甚者專其利以奪其民開其土而代其政國家拱手受成以
大張其威福而商會卒未聞一叛者則以上統於商部而下

操於國家大銀行也其發之也自上其收之也亦自上多則爲之制少則爲之通凡可以得鄰國之財而制人之死命於不覺者無不爲之謀也故民奉其上而無二心取其財而無二議其視鄰國之君如孤寄也鄰國之民如口肉也鄰國之地如戶庭也三軍之士一聞令下如水之赴壑舉人國若疾風之掃葉焉當是之時雖有猛將良臣曾不救瓦解之禍其故何也蓋利權既失民久懾其氣而不敢動也如此而欲安貧賤守王道以自存其國其勢有所不能

問商之爲官於古有制而周禮必屬之於司徒其故何在曰此王伯之微權古今無異軌者也夫商之能奪人命也亦如教之能服人心也人心所向國亦隨之故王者不務廣土而務施教伯者不務得地而務經商昔者文王之治岐也使召伯

循行南國而三分有二。非果能得其土也。服其民耳。商之能奪人國於不覺也。亦猶是也。故周公合之於司徒。以士施教。以農守地。以商得財。三者得其一。猶可無敵於天下。況兼三者而用之者乎。周之王也。有自來矣。今泰西諸國。除經商之外。無不設立教堂。采入其阻。以煽惑人民者。租界隙地。無不租購。設立墾地公司。以爲得寸進寸者。蓋兼三者而用之矣。故前之收其租稅。稱爲地主者。今反而耕其土地。居其城郭。納其租稅焉。前之服其衣服。習其語言。使相從日化者。今乃服其衣服。變其語言。入其籍貫。受其洗禮。不敢自異其種類焉。由前而觀。則有英之於印度。西班牙荷蘭之於南洋諸島。美洲諸國之於紅皮野番矣。由後而觀。則有美之於檀香山。荷蘭之於亞齊。英之於北班島。緬甸矣。故昔之強鄰。惟務克

敵今之強鄰惟務滅種滅教欲保教以存其民商其首務也
爲國者可不勉哉

問昔日本之與諸國立約也亦與我同及我光緒之初乃逐漸
改爲管轄寓民而許雜居購產然則泰西之於日本亦三者
竝行而日本不以爲危則又何也曰日本之不危其故有四
民智大開一也商務盛而製造興民不仰食於洋人一也
管轄寓民受其法律三也兵能庇護已民張國威四也然當時
俄民尙欲贖資以全購對馬島焉則其危可知矣今中國無
此四者洋人於附近租界買地築路建房卽并入租界設巡
捕治刑獄並聽華民之訟大有人隨地遷之意而欲效法於
日本不已危乎他日有以此爲辭者甚願取日本之法而比
較之

問周禮司市禁靡物胥師掌平貨賄察詐僞今泰西化學盛行
入其都者鋼製之鑽石牛乳之象牙硫磺之雞蛋麻菅之羅
錦魚鱗之明珠充塞於市炫燿而不可逼視入手而不知所
擇則是司市不禁靡而胥師不察僞也而謂其能行周禮其
可信乎曰此正泰西能行周禮而善變者也夫民食於富者
因其財也富之能役貧者利有并也故周公爲司市之法以
平之亡者使有利者使阜害者使亡靡者使微所以調劑之
使各人皆無良楮通塞之病也而貨財均矣然而豪商大賈
或異斗別衡變輕爲重化大爲小而數不可稽則司市不能
制而奸蠹得持良賈之短長於是則不平故爲質人以稽之
所以平權衡定輕重歸於一而不可亂也然奸蠹之民以眞
爲僞以竄爲巧入口而不可食得手而不可衣則是詐取民

財而肆其兼并也故爲胥師之法制之然猶爲肆長使名相
近相遠者實相近相爾者皆平正之未嘗因其無害於人而
亦禁之也今秦西所作僞物皆察其與原質相同以人工補
天工者乃得取牌售賣又用肆長之法分別其相爾相遠而
直揭其名未嘗以爲真物而亂之也夫富者爭於靡麗而貧
者得佩其服飾則是僞者易求而眞者不貴也均財之道於
是乎見若夫醇酒滲饔肉實灌水滷猪上市禽獸非時金銀
器皿合銅不中程式皆有禁例秦西市物皆自官較之官用
者有司以照微號照其內實若猪牛之填者非不許賣其結
遠者則實於膠膠然膠以作用物爲金銀器皿皆有禁止
銅然合金合銀皆有定式或毀亦有官以承購之不合式者
充正與周禮禁靡察僞之旨相合故曰能行周禮者無過秦
西若也今中國之商但知飾僞茶葉染以絲礬大黃必有龜

蛙棉花灌以熱水光緒初美西棉花款收其入乃販棉於印
花灌木行經赤道變為朽腐折木千萬其後印度日本棉花
皆遠販於英獨中國寂然惟日本尚購棉於中國亦日本棉花
灌木之故設公所以驗不遭商會之焚棄即遭醫官之禁買
之有冰者聞金菜貨

商業之衰由此來也尚宜開商會而禁之
問古周禮賣師各掌其次之貨賄之治辨其物而均平之展其
成而奠其賈然後令市四時之珍異亦如之攷之於今亦有
合乎曰此即泰西所謂博覽會日本所謂勸工場也當日本
之維新也貨物苦其輸入乃分遣藩士專勵工商回國之後
於橫須賀地設立勸工場凡新物為本國所造者悉陳列其
中延請博士為之評議定其價值品其高下許以賣權禁人
仿造雖至微之玩物無不從而獎給之商人購貨精粗美惡
一望了然人情好尚不能蒙蔽其貨之難銷者工固不造商

亦不買故工無費力而商不靡財明年之間國人大化民勵
於工而新物盛出商無廢貨而轉運不窮其後東京長崎相
繼競起工業大盛初年進口繳骨凡七十萬金末年乃無一
而反有出口焉中國素產磁器而日本陶殖充溢美洲茶葉
近以印度爲強而日本之茶乃遠過中土絲以意大利爲美
中國嘉湖之絲粗細不勻外洋購絲以意大利法乘陽爲美而日本蠶利可奪中華十年
之間商務等級由二十五而上居第八焉故泰西諸國稱爲
東方英國也今中國以四兆人民之眾土產數萬萬之饒而
工不勵其力商不修其知各存方隅自固之心一切行情貨
價漲落無常相隔百里價值迥異彼此欺詐以獲盈餘豐守
之商販賣滯貨而不知變爭先壓價以冀早回資本於五洲
貨情茫然無所知也太地工業未嘗一爲攷究也卽有一二

新奇之貨亦過問無人埋沒於空山淹沈於閭里者不知凡幾商學不明工業由是不振也是宜於各處通商口岸設立勸工場遠仿周禮賈師之法近法泰西保業之名凡土產之貨製造之能分品羅列使工商一望而知定價者不爲欺瞞製貨者各競其巧各國商人因此而歸報其國爭來購買則商務盛行而國可富強矣

問今日本之勸工場其效明矣然而泰西博覽會之開每數十年而一設合五大洲而品第之中國初會於美再會於法三會於荷蘭過問寥寥說者謂以西人而辦中產不無隔膜或又謂開會乃藉名抽豐之舉於商無益其說然乎曰否夫勸工之法於古有之雖無博覽會之名而已行其意周禮司市上旌於思次以令市鄭箋上旌者以爲眾望也見旌則知當